

Uunga siunnersuut:**Sumiiffinni immikkut toqqakkani takornariartitsisarnernut akuersissuteqartarneq
pillugu Inatsisartut inatsisaat****Kapitali 1***Atorneqarfia aamma taaguutit*

§ 1. Inatsisartut inatsisaat takornariaqarnermi neqeroorutinut atuuppoq.

Imm. 2. Inatsisartut inatsisaat una atorlugu neqerooruteqarnermi, tuniniaanermi sullissinermiluunniit illuutit, aqqusernit, sanaartukkat aalajangersakkamut matumunnga ilaatinneqarput.

Imm. 3. Takornariartitsinermut, sumiiffinni nunami aalajangersimasuni zone-nut agguasarneq il.il. pillugu inatsisartut inatsisaat malillugu takornariartitsinermut akuersissutillet ingerlataannut inatsisartut inatsisaat una atuutinngilaq.

§ 2. “Takornariartutut” isigineqartarpooq inuk angalasoq inuup pineqartup nalinginnaasumik najortakkami ineqarfigisamiluunniit avataanut, aammalu angalaneq tamarmiusoq taassumaluunniit ilaa nuannaarniutigalugu, qasueraarluni imaluunniit sulinngiffeqarluni ingerlattaraa, tamatumunngalu atatillugu kiffartuussinernik pisiortortarluni.

Imm. 2. ”Takornarissanut neqeroorutitut” taaneqartoq tassaavoq suliaq imaluunniit ingerlataq takornarissanut akiliuteqarnikkut tunniunneqartoq.

Imm. 3. ”Takornarissanut neqerooruteqarsinnaanermut akuersissummik” taaneqartoq tassaavoq sumiiffimmi killilersukkami takornariartitsinermut ataatsimik arlalinnilluunniit neqerooruteqarsinnaatitaaneq.

Imm. 4. Imm 3-mi allassimasut malillugit takornarissanut neqeroortitsisinnaanermut akuersissummik tunineqarsinnaavoq ”pisinnaatisissummik piginnittoq”, taannalu inuusinnaavoq imaluunniit inatsisitigut inuussinnaavoq.

Imm. 5. Inatsisartut inatsisaanni matumani ”neqeroortitsineq” tassaavoq, takornarissanut neqeroortitsisinnaanermut akuersissummik tamanut qinnuteqaqqusissut.

Imm. 6. Inatsisartut inatsisaanni matumani ”kalaallit sulisut” tassaapput sulisinnaasut Kalaallit Nunaanni inuit allattorsimaffianni najugaqartutut nalunaarsorneqarsimasut.

Imm. 7. Inatsisartut inatsisaanni matumani ”kalaallit pilersuisut” tassaapput pilersuisut Qitiusumik Suliffeqarfinnik Nalunaarsuiffimmi (CVR) Kalaallit Nunaanniittutut nalunaarsorneqarsimasut.

Kapitali 2*Takornarissanut neqerooruteqarsinnaanermut akuersissut*

§ 3. Sumiiffinni nunami aalajangersimasuni takornarissanut neqeroortitsinissamut Naalakkersuisut akuersissuteqartoqartariaqarneranik piumasaqarnissamut aalajangersaasinjaapput.

Imm. 2. Sumiiffimmi takornarissanut neqeroortitsisinnaanermut akuersissummik peqarnissamik piumasaqaateqarnera tunngavigalugu sumiiffimmi allaanernik takornarissanut neqerooruteqartoqarsinnaanera mattunneqanngilaq.

§ 4. Inatsisartut inatsisaanni § 9-mi suleriusissatut nassuiarneqarsimasoq aallaavigalugu takornarissanut neqeroortitsisinnaanermut akuersissutinik nalunaaruteqartoqarsinnaavoq, toqqaanissamullu piumasaqaatit inatsisartut inatsisaanni § 10-mi allassimapput, minnerpaamillu piumasaqaataasussat § 11-mi allassimallutik. Takornarissanut neqeroortitsisinnaanermut akuersissut kisermaassinertalerlugu nalunaarutigineqassaaq.

Imm. 2. Imm. 1-imu allassimasut aallaavigalugit takornarissanut neqeroortitsisinnaanermut akuersissummik nalunaarfigineqarnissamut eqqarsaatigineqassagaanni, qinnuteqartup §§ 12-15-imut aammalu §§ 16-imu allassimasut naammassisinnaasariaqarpai. Piffissami akuersissuteqarfiusumi tamarmi pisinnaatitsissummik piginnittup piumasaqaatit naammassisinnaasariaqarpai.

Imm. 3. Takornarissanut neqerooruteqarsinnaanermut akuersissut Naalakkersuisunit allakkatigut akuersitinneratigut allamut tunniunneqarsinnaavoq.

Imm. 4. Pisinnaatitsissummik pigisallit kikkut akuersissutinik pissarsisimanersut, akuersissut sumi atorneqarsinnaanersoq akuersissutillu sivisussusaa Naalakkersuisunit tamanut saqqummiunneqarsinnaavoq.

Imm. 5. Imm. 1-imu allassimasut aallaavigalugit takornarissanut neqeroortitsisinnaanermut akuersissutinik tunniussisinnaanermut piumasaqaatit pillugit Naalakkersuisut aalajangersaasinjaapput.

Imm. 6. Imm. 1-imu allassimasut aallaavigalugit takornarissanut neqeroortitsisinnaanermut akuersissutinik nalunaaruteqarsinnaaneq kommuninut tunniunneqarsinnaanera pillugu Naalakkersuisut aalajangersaasinjaapput.

§ 5. Takornarissanut neqeroortitsisinnaanermut akuersissutit ukiut 20-t tungaannut sivisussusilerlugit nalunaarutigineqarsinnaapput.

Imm. 2. Akuersissummut piffissaliussaq ukiut 20-t tikillugit Naalakkersuisunit sivitsorneqarsinnaavoq. Sivitsuineq pillugu nalunaaruteqarnermi piumasaqaatit allanngortinneqarsinnaapput.

Imm. 3. Qanorluunniit imm. 1-imu 2-milu allassimasoqaraluarpat, takornarissanut neqeroortitsisinnaanermut akuersissummut piffissaliussaq ukiut 30-t sinneqquaanngilai.

§ 6. Inatsisartut inatsisaat aallaavigalugu ingerlatat pillugit pisortaqarfinni sulianik ingerlatsisoqarsinnaanissa anguniarlugu pisinnaatitsissummik piginnittup paasissutissat pisariaqartinneqartut Naalakkersuisunut nalunaarutigissavai.

Imm. 2. Nalunaaruteqartussaatitaaneq pillugu Naalakkersuisut aalajangersaasinnaapput, tassanilu paasissutissiissuteqartussaanerup annertussusaa paasissutissallu suut qanoq nassiunneqassanersut aalajangersarneqarsinnaavoq.

§ 7. Kommunimi takornarissanut neqerooruteqarsinnaanermik akuersissuteqarfiusumi Naalakkersuisut nalilersuisussamik ataatsimiititaliamik pilersitsinissamut atuinissamullu aalajangersinnaapput.

Imm. 2. Nalilersuisarnermut ataatsimiititaliaq inatsisartut inatsisaat una aallaavigalugu akuersissuteqarnissamut qinnuteqaatinik assigisaannillu Naalakkersuisut noqqaassuteqarneratigut inassuteqaaasiussapput.

Imm. 3. Naalakkersuisut nalilersuisarnermut ataatsimiititaliamut ilaasortassanik siulittaasussamillu toqqaasinnaanermut kiisalu taasisarnermut malittarisassanik aalajangersaasinnaapput.

§ 8. Inatsisartut inatsisaanni § 3-mi, §§ 12-15-mut aammalu §§ 17-18-imilu aalajangersakkat aammalu inatsisartut inatsisaanni matumani aalajangersakkanut allanut immikkullarissumik pisoqartillugu piumasaqaatinut Naalakkersuisut immikkut akuersissuteqarsinnaapput.

Kapitali 3

Takornarissanut neqerooruteqarsinnaanermut akuersissummik nalunaaruteqarneq

§ 9. Takornarissanut neqerooruteqarsinnaanermik akuerisummik neqeroorttsisoqareerneratigut aammalu nalilersuinermut ataatsimiititaliamut naapertuuttumut tusarniaasoqareernerata kingorna takuuq siunnersuummi § 7 tunniussisoqarsinnaavoq. Naalakkersuisut neqeroorttsinermik tamanit takuneqarsinnaasumik Naalakkersuisut nittartagaatigut tusagassiorfitsigullu saqqummersitsissapput, taannalu minnerpaamik ulluinnarnik 45-nik sivisussuseqassaaq.

Imm. 2. Naalakkersuisut periarfissaqarput siusinnerusukkut neqeroorttsiffioreersup iluani nutaamik neqeroortitseqeqqaanngikkaluarlutik sumiiffimmut akuersissuteqarnissamut, tamannalu pisinnaavoq qinnuteqaat kingusinnerpaamik neqeroorttsinerup naaneranit qaammatit 18-it tikitsinnagu tigusimagaanni.

Imm. 3. Suleriaaseq imm. 1-imi Imm 2-milu nassuiarneqarsimasoq malillugu qinnuteqartoqaraluartoq Naalakkersuisut akuersissummik tunniussinngiinnarsinnaapput.

§ 10. Neqeroorttsinermi ataani allassimasut toqqaasarnermi piumasaqaatigiussapput taamaakkaluartoq takuuq Imm. 2:

- 1) Qinnuteqartup takornarissanut neqerooruteqarsinnaanermut akuersissummi piumasaqaatinik ingerlatsisinjaassusaa.

- 2) Qinnuteqartup takornarissanut neqerooruteqarsinnaanermut akuersissummi piumasaqaatinik suliaqarnissaminut aningaasaqarnikkut inisisimanera.
- 3) Qinnuteqartup ingerlatsinissamut pilersaarusiassatut missingiuissaani allassimasut aallaavigalugit takornarissanut ataatsimik arlalinnilluunniit neqerooruteqarnissaminut siunniussisimanersoq.
- 4) Qinnuteqartup sumiiffimmi sumiiffiulluunniit ilaani takornariartitsinissamut neqerooruteqarsinnaanermut akuersissummik pissarsissagaluaruni ingerlatsinissaminut ussassaarinissaa, neqerooruteqarnissaa tuniniaanissaalu pilersaarusiaaluunniit.
- 5) Qinnuteqartup takornarissanut neqerooruteqarnissaminut ingerlatsinissaminullu piujuannartitsinermik tunngaveqartumik ingerlatsinissaanut taannalu pinngortitamik, avatangiisinik, silaannaap pissusaanik, sulisinnaasunik inuiaqatigiinnilu soqutigineqartunut naapertuuttumik ingerlatsisinnaanissaanut piginnaasai pisinnaassusaalu.

Imm. 2. Imm 1-imik allassimasut saniatigut Naalakkersuisut piumasaqaatinik naapertuuttunik, kinaassusersiunngitsunik immikkoortiterinngitsunillu toqqaanissaminut piumasaqaasersuisinnaapput, taamaaliortoqarsinnaavorlu qinnuteqartunik naliliinermi naligiittoqarnerani.

Imm. 3. Piumasaqaatit mm. 1-imik 2-milu eqqaaneqartut § 9-mi imm. 1-imik allassimasut akornanni qanoq oqimalutaasoqassanersoq neqeroortitsisoqarnerani tamanut saqqummiunneqassapput.

§ 11. Neqeroortitsisoqarneranut atatillugu Naalakkersuisut minnerpaamik piumasaqaataasussanik aalajangersaassapput, qinnuteqartullu akuerineqarnissaanut pinngitsooratik naammassineqartariaqarlutik.

Kapitali 4

Pisinnaatitsissummiq piginnittoq

§ 12. Takornarissanut neqeroortitsisinnaanermut akuersissut inunnut ukununnga tunniunneqarsinnaavoq:

- 1) Kalaallit Nunaanni ukiuni tallimani kingullerni najugaqartut nalunaarsorsimasoq,
- 2) Kalaallit Nunaanni tamakkiisumik akileraartussaatitaasoq,
- 3) Tamakkiisumik pigisaminik atuisinnaasoq, akiliisinnaajunnaartutut, akiliisinnaanngitsutut imaluunniit sulianik unitsitsutut inissismassanngilaq, aammalu
- 4) Pisortaqarfinnut 100.000-init annertunerusumik akilerneqanngitsunik akiitsoqanngitsoq.

§ 13. Takornarissanut neqeroortitsisinnaanermut akuersissut inatsisitigut inunnut ukununnga tunniunneqarsinnaavoq:

- 1) Kalaallit Nunaanni ingerlatsivittut aningaasaliiffiusutut imaluunniit suliffeqartittut nalunaarsorneqarsimasoq,

- 2) suliffeqarfik akiliisinnaajunnaartutut, akiliisinnaanngitsutut imaluunniit sulianik unitsitsisutut inissismassanngilaq,
- 3) ingerlatseqatigiiffiup nammineq aningaasaataasa affai sinnerlugit toqqaannartumik toqqaannanngitsumilluunniit inuit piginnittuusut § 12-im i allassimasunik naammassinnissapput,
- 4) suliffeqarfimmi peqataasut affai sinnerlugit § 12-im nr. 1-mit 4-mut allassimasunik naammassinnissinnaassapput, aammalu
- 5) suliffeqarfik Naalakkersuisunut 100.000 kr.-init annertunerusunik akitsoqassanngilaq akilerneqanngitsunik.

Kapitali 5

Isumannaallisaanermut pilersaarutit

§ 14. Takornarissanut neqerooruteqarsinnaanermut akuersisummiit nalunaaruteqartoqarsinnaaneranut qinnuteqartoq sillimaniarnermut pilersarusiamik allaganngukkamik suliaqarsimassaaq.

Imm. 2. Akuersissut aallaavigalugu takornarissanut neqeroorutaasussatut ingerlatassanut kissaatigineqartunut tamanut sillimanermut pilersarusiorqarsimassaaq.

Imm. 3. Sillimaniarnermut pilersarusiaq sukkulluunniit allaganngorlugu kalaallisut aamma tuluttut takornarissanut tigoriaannanngorlugu inissinneqassaaq.

Imm. 4. Sillimaniarnermut pilersarusiaq nalorninaatinik nalilersuinernik aamma sillimaniarnermi iliuuserineqartussanik atuuttunik imaqassaaq.

Imm. 5. Nalorninaatinik nalilersuinerup suliarineqarnerani takornarissanut paasinartumik imaqarluartumillu paassisutissartalerlugu suliarineqassaaq, tassanilu inatsisartut inatsisaat una atorlugu ingerlatanut nalorninaataasinasut pingarnerit nassuiarneqarsimassapput.

Ingerlatsinerup aaqqissuunneqarnerani nalorninaatinik nalilersuineq aallaavigalugu sulisunik, tassunga ilanngullugu angallassisunik, angallassinermut piffissaliussanik, pissutsinik nalilersuinernik, atortunik toqqaanernik assigisaannillu nassuaasoqassaaq.

Imm. 6. Upalungaarsimanermut pilersaarut ingerlatassaq pillugu nalorninaatinik nalilersuinermi aallaaveqassaaq ukulu imarissallugit:

- 1) navianartoqartillugu ajutoortoqartillugulu iliusissat nassuiarneqarneri,
- 2) ingerlatsinermut atatillugu sulisunut ilisimassatigut, misilitakkatigut piginnaasatigullu piumasaqaatit suuneri, aammalu
- 3) qinnuteqartup sulisui navianartoqartillugu ajutoortoqartillugulu qanoq iliuuseqassanersut, tassunga ilanngullugu attaveqariaasissaq.

Imm. 7. Imm. 1-mit 6-mut allassimasut atuutsinnejassanngillat, qinnuteqartup sumiiffimmi inatsit alla imaluunniit periuseq alla ingerlatsineq pillugu sillimaniarnermut piumasaqaatitaqareersoq atuutsissallugit pisussaaffilerneqarsimappat.

Kapitali 6

Sillimmasiineq sillimmateqarnissarlu

15. Pisinnaatitsisummiq piginnittooq akisussaatinneqarnissamut sillimmaserneqartarnissaal allatigulluunniit sillimaniarnikkut qularnaveeqqusisoqartarsimanissa Naalakkersuisut piumasaqaatigisinnaavaat.

Imm. 2. Imm. 1 -imi allassimasut atuutinngillat, takornarissanut neqeroorutaasartussaq pineqartoq pillugu inuussutissarsiutilinnut sillimmasiisoqarsinnaanngippat allatigulluunniit sillimaniarnikkut sillimmasiisoqarsinnaanera pisinnaanngippat.

Imm. 3. Imm. 1-imi allassimasut aallaavigalugit Naalakkersuisut akisussaatinneqarnissamut sillimmaserneqartarnissaanut allatigulluunniit sillimaniarnikkut qularnaveeqqusisoqartarsimanissaanut aalajangersaasinnaapput.

Kapitali 7

Kalaallit Nunaanneersunik sulisoqarneq pilersuisoqarnerlu

§ 16. Takornarissanut neqerooruteqarsinnaanermut akuersissut aallaavigalugu suliaqarnissamut atatillugu kalaalliniq sulisitsisinnaanermut aammalu kalaalliniq nioqqtissanik kiffartuussinernilluunniit pilersuisoqarnissamut Naalakkersuisut aalajangersaasinnaapput.

Kapitali 8

*Pisinnaatitsisummiq pigisallip takornarissanut neqerooruteqarsinnaanermut
akuersisummiq tunineqarnerminut atatillugu pisussaaffi*

§ 17. Pisinnaatitsisummiq piginnittooq suliaminiq aallartitsigani akuersissut aallaavigalugu takornarissanut neqeroorutigisassani pillugit ingerlatsinissamut pilersaarusiortoqartariaqarpoq, taannalu Naalakkersuisunit akuerineqaqqaartariaqarpoq suliat aallartinnginnerini.

Imm. 2. Ingerlatsinissamut pilersaarummi naapertuussuseq aallaavigalugu makkua ilanngunneqassapput:

- 1) Suliniutip ineriartortinneqarnissaanut anguniagassatut pilersaarutit nassuarneqarneri.
- 2) Akuersisummiq ingerlatsinissamut atatillugu pilersaarutit qanoq aallartisarniarneqassanersut, illunik, sanaartukkanik assigisaannillu qanoq atuisoqassanersoq nassuarneqassaaq.
- 3) Akuersisummiq ingerlatsinissamut atatillugu § 2-mi imm. 6-imi allassimasut malillugit kalaalliniq sulisinaasunik atuinissaq aammalu § 2-mi imm. 7-imi allassimasut malillugit kalaalliniq nioqqtissanik kiffartuussissutinillu pilersuisunik qanoq atuisoqassanersoq nassuarneqassaaq.

- 4) Akuersissummik ingerlatsinissamut atatillugu pisinnaatitsissummik piginnittup sillimaniarnermut piumasaqaatit qanoq naammassineqarnissaannik qulakkeerinninniarnera nassuiardeqassaaq
- 5) Akuersissummik ingerlatsinissamut atatillugu pisinnaatitsissummik piginnittup suliassai suleriuusissaalu aalajangersimasut nassuiardeqassapput, tassanilu qulakkeerniarneqartoq tassaavoq pisinnaatitsissummik piginnittoq, pisinnaatitsissummik piginnittup sulisui, suleqatigisat, takornarissat inuillu allat ajoqusemminut navianartorsiunnginnissaat.
- 6) Pisinnaatitsissummik piginnittup pinngortitamut illersuinissamut, avatangiisinut illersuinissamut, aalisarnermut aamma pisiniarnermut aammalu sulinermut ataatsimullu isumaqatigiissutaasunut pisussaaffinnut qanoq naammassinninniarnersoq nassuiardeqassaaq.
- 7) Pisinnaatitsissummik piginnittup akuersissuteqarnerup unitsinneqarnerata kingorna avatangiisinut qanoq aaqqeqqinniarnera nassuiardeqassaaq.

Imm. 3. Pissutsit allanngorneri peqquataallutik ingerlatsineq allanngussappat, taava pisinnaatitsissummik piginnittoq piaartumik kingusinnerpaamillu allanngortoqarnerani qaammatit pingasut qaangiutsinnagit ingerlatsinissamut pilersaarummik nutartikkamik Naalakkersuisunut akuerisassanngorlugu nassiussissaq.

§ 18. Takornarissanut neqerooruteqarsinnaanermut akuersissummut atatillugu pisinnaatitsissummik piginnittoq ingerlatsisimaneq pillugu ukiumut Naalakkersuisunut nalunaaruteqartassaaq.

Imm. 2. Naalakkersuisut pisinnaatitsissummik piginnittut nalunaaruteqartarnerat pillugu sukumiinerusumik aalajangersaasinnaapput.

§ 19. Nalunaaruteqarnermit paassisutissat pissarsiarineqartut pisortaqarfinnut allanut Namminersorlutilu Oqartussat suliffeqarfiutaannut Naalakkersuisunit siammerneqarsinnaapput.

Imm. 2. Inatsisartut inatsisaat aallaavigalugu takornarissanut neqerooruteqarsinnaanermut akuersissutit pillugit naatsorsuutinik Naalakkersuisut saqqummersitsisinnaapput.

Kapitali 9

Akitsuutit akitsuutinullu akiliutit

§ 20. Pisinnaatitsissummik piginnittoq takornarissanut neqerooruteqarsinnaanermut akuersissuteqarnerminut atatillugu ukiut tamaasa akitsuutinut akiliisassaaq, takuuq §§ 21 aamma 22. Akitsuut Naalakkersuisunut isertitsissutaassaaq.

Imm. 2. Takornarissanut neqeroorsinnaanermut akuersissuteqarnerup aallartinnerani akitsuutit akiliisussaatitaaneq aallartissaaq.

Imm. 3. Akitsuutinut akiliinissamut kingusinnerpaamik ukioq akitsuutinut akiliiffiusussami decembarip naanera ulluliunneqarpoq.

§ 21. Akiliilluni aalisartitsisartunut akuersissutit tunngaviusumik aammalu ilassummik akitsuuteqarpoq.

Imm. 2. Tunngaviusumik akitsuut ukiumut 2,500 kroniuvooq.

Imm. 3. Illassitit akitsuut inummuit ullormullu ataatsimut 130 kroniussaaq.

Imm. 4. Imm. 2-mi Imm. 3-milu aningaasat annertussusaat ukiumut annertussuseq procentinngorlugu naleqqussaataasartoq atorlugu aaqqiissuteqartoqartassaaq.

§ 22. Akuersissutinut § 21-mi allassimasunut attuumassuteqanngitsunut ukiumut akitsuut 7.500 kroniussaaq.

Imm. 2. Imm. 1-mi aningaasat annertussusaat ukiumut annertussuseq procentinngorlugu naleqqussaataasartoq atorlugu aaqqiissuteqartoqartassaaq.

§ 23. Inatsisartut inatsisaat una aallaavigalugu pisinnaatitsisumik piginnittup suliap ingerlanneqarneranut allatigullu pisortaqarfinni sullissinermut atatillugu Naalakkersuisut akitsuusiinissamut aalajangersaasinnaapput.

Imm. 2. Imm. 1-im i allassimasunut akiliineq akitsuutitut akiligassanngortinnejartarsinnaavoq.

Kapitali 10

*Takornarissanut neqerooruteqarsinnaanermut akuersissutinik nakkutilliineq,
peqqussuteqarneq aammalu atorunnaarsitsineq*

§ 24. Naalakkersuisut takornarissanut neqeroorutinik, pisinnaatitsisumik piginnittunut, ingerlatanut allanullu inatsisartut inatsisaat una atorlugu ingerlanneqartunut nakkutilliisussaavoq.

Imm. 2. Nakkutilliineq pillugu Naalakkersuisut aalajangersaasinnaapput, tassunga ilanngullugu pisortaqarfinnut suliffeqarfinnullu Namminersorlutik Oqartussat kommunillu ataaniittunut nakkutilliineq ingerlateqqinnejqarsinnaasoq.

§ 25. Naalakkersuisut pisinnaatitsisumik piginnittumut Inatsisartut inatsisaanni matumanii aalajangersakkanik ukioqqutitsinerit aallaavigalugit aaqqiinissamut unitsitsinissamulluunniit peqqussuteqarsinnaapput.

Imm. 2. Naalakkersuisut takornarissanut neqerooruteqarsinnaanermut akuersissumik utertitsisinnaapput, takornariaqarnermik suliaqartup peqqussut arlaleriarluni tusaanngitsusaarsimappagu.

Imm. 3. Takornariaqarnermут akuersissutinik utertitsisarneq pillugu Naalakkersuisut aalajangersaasinnaapput.

§ 26. Pisinnaatitaaffimmik piginnittup akuersissuteqarneq malillugu ingerlatsiunnaaruni, illunik, sanaartukkanik assigiinngitsunillu pisinnaatitaaffimmik piginnittup suliarisimasaanik

kiisalu sumiiffinni pineqartuni ikkussuussimasaanik peersinissamut attuumassusilinnik Naalakkersuisut aalajangersaasinnaapput pisinnaatitsissullu aqqutigalugu.

Imm. 2. Ingerlatsinissamut pilersaarummut imaluunniit ingerlatsinissamut pilersaarummi allannguinermi Naalakkersuisut akuersissuteqarnerminnut atatillugu § 17-imi allassimasut malillugit imm. 1-imi piumasaqaataasunut naammassinninnissamut pisinnaatitsissummik piginnittumut aalajangersaasinnaapput, tassunga ilanngullugu sillimmateqarnissaq. Allannguuteqartoqartillugu Naalakkersuisut piumasaqaatinik allaanerusunik aalajangersaasinnaapput, sillimmateqarnissamut attuumassusillit ilanngullugu.

Imm. 3. Pisinnaatitsissummik piginnittup aaqqissuussinissamut peqqussutit § 26 imm. 1-imi allassimasut equuutsinngikkunigit, Naalakkersuisut pisinnaatitsissummik piginnittup akiligassaanik akisussaaffigisaassaanillu ingerlatsisinnaapput.

Kapitali 11

Pineqaatissiissutit

§ 27. Kinaluunniit piaaraluni imaluunniit annertuumik mianersugaalliornikkut ima iliortoq akiligassinneqarsinnaavoq:

- 1) Akuersisummik atuuttumik pigisaqarani takornarissanut akiliisitsilluni neqerooruteqarnikkut § 4, Imm. 1-mi allassimasunik unioqqutitsisoq.
- 2) Pisortaqarfiit piumasaqatigisaannik paasissutissanik pissarsiarisinnaasaannik eqqunngitsunik paasissutissiinikkut imaluunniit pututitsiniuteqarnikkut § 6 imm. 1-imi allassimasunik unioqqutitsisoq.
- 3) Takornarissanut neqerooruteqarsinnaanermut akuersissut malillugu suliarineqartut pillugit nalunaaruteqartussaatitaanermut atuutsitsinnginnikkut § 18 imm. 1-imi allassimasunik unioqqutitsisoq.

Imm. 2. § 3-mi, § 4, Imm. 5-imi, § 6, Imm. 2-mi, § 15, Imm. 3-mi, § 16 aamma § 18, Imm. 2-mi allassimasut malillugit maleruaqquneqartunut unioqqutitsisoq Kalaallit Nunaanni pinerluttulerinermi inatsimmi atuuttumi malittarisassat malillugit akiliisitsineq pineqaatissiissutaasinnaavoq.

Imm. 3. Inatsisartut inatsisaanni maleruagassaniluunniit inatsisartut inatsisaat tunnavigalugu suliarineqarsimasuni akiliisitsiniarnermi akiligassaq inatsisitigut inunnut Kalaallit Nunaanni pinerluttulerinermi inatsimmi atuuttumi malittarisassat malillugit akiligassiissutigineqarsinnaavoq.

Imm. 4. Imm 1-mit 3-mut akiligassat tunniunneqartut nunatta karsianut nakkartinneqassapput.

Imm. 5. 4, Imm. 1-mik, § 6, Imm. 1-mik, § 18, Imm. 1-mik imaluunniit § 3-mi, § 4, Imm. 5-imi, § 6, Imm. 2-mi, § 15, Imm. 3-mi, § 16 aamma § 18, Imm. 2-mi allassimasut malillugit aalajangersakkanik unioqqutitsisut Kalaallit Nunaanni pinerluttulerinermi inatsimmi atuuttumi malittarisassat malillugit arsaarinnissuteqartoqarsinnaavoq.

Kapitali 12

Atortuulerneq ikaarsaanermullu aalajangersakkat

§ 28. Inatsisartut inatsisaat 1. januaari 2025 atortuulersinneqassaaq.

Imm. 2. Sumiiffinni nunami aalajangersimasuni takornariartitsinermut
akuersissuteqartarnissaq pillugu Inatsisartut inatsisaat atorunnaarsinneqassaaq.

Imm. 3. Inatsisartut inatsisaata atortuulerfiani takornarialerisunut akuersissutit
nalunaarutigineqartut atuutiinnassapput. Akuersissutit pineqartut Sumiiffinni nunami
aalajangersimasuni takornariartitsinermut akuersissuteqartarnissaq pillugu Inatsisartut
inatsisaanni aalajangersakkat malillugit aalajangersarneqassapput.

aallaavigalugit aningaasat annertussusaat ukiumut annertussuseq procentinngorlugu
naleqqussaataasartussaq atorlugu aaqqiissuteqartoqartassaaq. Tamannalu siulermik pissaaq 1.
januaari 2026.

Namminersorlutik Oqartussat, ulloq xx. xxx 2024

Naalakkersuisut siulittaasuat